

tum aut altera, frequentius prorsus nulla observetur: & quas plures notatu dignissimas circumstantias indefessa Recentiorum industria annotavit. *Luna* verò maculas deprehenderunt lævigatam & planam habere superficiem, nec ab omni situs mutatione prorsus exemptas esse, sed revera complures earum ad limbum *Lunæ* Borealem hærentes, aliquando limbo isti notabiliter appropinquare, & tunc alias oppositas ab Australi magis recedere: aliquando contra his ad limbum sive marginem australem multò propius accedentibus, illas à Boreali multum recedere, sicq; alternis hisce inclinationibus *menstruam* quendam *lunæ librationem* arguere: cæteras autem partes lucidiores in montosas asperitates, alibi scrobibus ac vallibus ad oculum distinctas, hinc inde assurgere, umbrasq; manifestas in illa loca depressiora ex opposito solis projicere, quæ novum quoddam macularum inconstantium genus mentiantur. Cumq; ab omnibus retrò seculis pertinaciter creditum fuisset, omnium corporum coelestium unam esse, & communem figuram, sphericam nempe sive globosam, ex inopinato accidit, ut *Galileo* primùm, deinde *Viris* aliis ingeniosissimis, Tubospecilla sua in *Saturnum* quoq; dirigentibus, corpus ejus variâ figurâ monstruosum, nunc triceps e.g. nunc ansas quasi brachia utrinq; protendens, modò easdem, (sicut ipse quondam suos liberos) resorbens, aliisq; imaginibus conspiceretur: donec deinde *Christianus Hugenius* à *Zülichem* prodigiosam Saturni faciem per integrum triennium contemplatus, eum ab annulo quodam medium ambiri, & æqualiter undiq; cingi deprehenderet. Quæ quidem hypothesis novitate suâ, & insolitâ coelestibus figurâ primò aspectu valdè suspecta fuit, hodiè tamen Astronomis Philosophisq; acutissimis unanimi probatur suffragio, cum quòd diversas illas facies, earumq; stas revolutiones pulchrè explicet, tum verò maximè, quòd prænuntiatas ex illâ apparentias eventus definito quasq; tempore fideliter hætenus, quod scimus, exhibuerit. (35.) Detecti porrò 35.

sunt tres Saturni Comites, sive Planetæ secundarii, medius quidem